

14  
1911  
158



門  
號 1911  
卷 158

咨報湖廣巡撫右副都御史秦夾攻事宜

維巡撫湖廣都御史秦咨內開夾攻江西該分哨道并把截之路及各該官軍不無追勦往來過境必須各給旗號識別以防錯誤凡遇賊勢縱橫及攻堅去處各領哨官即便發兵策應同舟共濟又稱各省窩賊之家今既各有指實必須從長計處絕其禍本以收全功煩為恭酌行止并將合行事宜咨報以憑轉行各該領兵等官遵守等因准此先該本院訪得大庾南原上猶三縣近附賊巢良民材寨甚多往年大征不曾分別善惡給與良民旗號又撥兵護守以致狼上官兵貪功妄殺玉石不分

早稻田大學圖書館  
昭 36. 7. 5 庚  
藏 書

南嶺書 卷七  
亦有一二良民村寨給與旗號撥兵護守又被不才領兵官員  
并良民寨主受賊重賄及將有名賊首隱藏其家事定仍復還  
巢至今貽患及有吉安府龍泉萬安泰和三縣并南安府所屬  
大庾等三縣居民無藉者往往攜帶妻女入峯爲盜行劫則指  
引道路征勦則通報消息尤爲可惡卽今聞有大兵夾攻俱各  
潛行回家遇有盤詰輒稱被虜逃歸口而得脫誅戮若不通行  
揆究將來事定仍復入巢地方之患何時可已就預行上猶等  
三縣着落當該掌印官員查出附近賊巢居民村寨通計若干  
畫圖申報以憑每寨給與良善旗號臨期撥兵護守仍取各寨

主并地方總甲甘結在官如在應勦賊徒來投希圖隱匿者許  
其擒賊送官照例重賞容隱者事發一寨之人通行坐以姦細  
重罪其大庾龍泉等六縣各給告示曉諭鄉村里老人等但有  
平昔入峯爲盜卽今潛出許其舉首亦行照例給賞容隱事發  
本家并四鄰一體坐罪如此庶良善免於玉石俱焚而盜賊得  
以根株悉拔俱經牌仰該道遵照施行外又據委官知府等官  
季敦等呈稱依奉本院方略分兵於上猶南康等處防遏被賊  
兩次糾衆出攻南安俱幸我兵克捷卽今賊勢略已衰敗若乘  
此機會直搗其巢旬月之間可期掃蕩云云本院看得三省夾

攻事宜集兵有先後期約有遲速如上猶大庾之賊江西先與湖廣夾攻止令廣東之兵於仁化把截候廣東兵力已齊聽湖廣廣東約會夾攻江西之兵止於大庾把截通候廣東湖廣夾攻已畢廣東之兵移於惠州江西之兵移於龍南又行約會夾攻如此庶先後有敘事機不失兵力不竭糧餉可省又經移咨貴院查照施行外今准前因看得官軍過境必須各給旗號識別以防錯誤攻堅去處必須各領哨官即便發兵策應庶得成功持論既極公平所處又甚詳悉除行領哨等官遵照施行外惟守備指揮李璋所呈窩賊之家傳聞之言未必皆實已行該

道再行查訪務求的實拔絕禍源其進攻次第惟桶岡一處與湖廣之兵會合若長流坑左溪等處皆深入南安府所屬三縣腹心之內見今不次擁衆奔衝勢難止遏本院欲將前項賊巢以次相機勦撲候貴治之兵齊集會合夾攻桶岡如此則江西腹心之害已除而二省夾攻之舉得以併力從事擬合移咨前去煩爲查照定處咨報施行

觀此則當日施兵先後看着中款能使數省之心合而爲一如出一人信陵救趙所統者各國之將各國之兵而卒能成功只是部分悉當耳

案行分守嶺北道官兵戴罪勦賊

察看稽蕪大山不係進兵險路若使郁文季敦等遵依本院方略直趨左溪與諸軍連營合勢兵威旣振然後分兵四勦則稽蕪等巢自然聞風而靡今乃不遵約束頓兵僻路以攻險絕堅小之寇反致損威挫銳非但有乖節制抑且違誤師期若使各哨官兵皆若季敦等後期不進則左溪橫水賊巢根本腹心之地何能攻破諸軍何能得有今日之勝論情定罪俱合處以軍法但今各營皆已乘勝追逐賊徒四散奔竄正係緊關撻截之際姑令戴罪勦絕以贖前辜爲此仰抄案回道速督各官分投

把截搜勦俱要勵志奮勇毋徒退縮以自全毋以小判而自餒  
務奮灑池之翼以收桑榆之功如復仍前畏縮違誤軍令具存  
難再容恕仍將陣亡千戶劉彪及被傷兵夫人等查驗紀錄量  
加優恤

橫水左深已報大捷稽蕪小小挫折他人處此必在所略先  
生卽行切責如此此所以法嚴而人知自勵所往無不奏功  
也

搜勦餘黨牌

照得本院於本月十二日親督諸軍進破橫水等巢諸軍皆奮  
勇敢死奪險陷陣賊乃大敗擒斬功次數多良已可嘉但聞餘  
黨復相嘯聚千百爲羣設柵阻險復爲抗拒官兵之備所據各  
兵進攻之日攀崖緣壁下上險阻疲困已極兼之陰雨連日瘴  
霧咫尺不辨故且容令各兵暫爾休息今天氣漸開兵力已蘇  
若不乘此破竹之勢疾捕急擊使諸賊聲勢復得連絡用力益  
難爲此牌仰該道官吏嚴督各營官兵星夜速進務在三日之  
內掃蕩餘孽必使噍類無遺敢有徂於一勝怠忽因循逗遛不

進致悞軍機者仰卽遵照勅諭事理卽以軍法從事該道亦要  
身督各官奮勇前進毋虧一簣務在萬全

此雷兵搜捕呈

看得樂昌等處賊徒構禍連年詭毒三省今兵備僉事王大用  
等乃能身歷險阻設謀調度數月之內致此克平論厥功勞良  
可嘉尙除具本奏報及一面先行犒獎外所據各哨賊徒穴巢  
雖已底定而漏殄難保必無況聞湖兵撤後各該巢穴多復嘯  
聚河源龍川諸處殘賊亦復招羣集黨連結漸多逆其將來必  
復熾盛今雖役久兵疲且宜班師息衆但雷兵搜捕亦不可苟  
毋謂斬木之不蘖死灰之不然苟涓涓之不塞將江河之莫禦  
其狼兵旣已罷散難復追雷若機快鄉兵之屬暫令歸休卽可

起集爲輪香迭出之計務使接勦之兵若農夫之耘耨庶幾盜  
賊之種如芟莠之可除該道仍備行接捕各官務體此意悉拔  
根苗無遺後患批呈欵  
凡遇勝後此着必不可少

橫水桶岡捷音疏  
年不悟遲一年再讀十  
年不悟遲十年再讀十

陶云此文如大海汪洋層次段轉于  
已一勾出切勿粗心浮氣閱之一

據江西布按二司巡守嶺北道兵備副使楊璋左叅議黃宏會  
呈據一哨統兵贛州府知府邢珣呈督同興國縣典史區澄等  
官兵於十月十二等日攻破磨刀坑等巢十一月初一等日攻  
破桶岡洞等巢二十三日會兵擊賊于上新地寨其十四處共  
擒斬大賊首雷鳴聰藍文亨梁伯安等六名顆賊從王禮生等  
二百四十一名顆俘獲賊屬并奪回被虜男婦二百五十七名  
口燒毀賊巢房屋一百七十七間及奪馬牛贓仗等項一哨統



兵福建汀州府知府唐淳呈督同上杭縣縣丞陳秉等官兵於十月十二等日攻破左溪等巢十一月初一等日攻破十八磊等巢共十二處共擒斬大賊首藍天鳳藍八蘇景祥等四名顆賊從廖歐保等二百六十四名顆俘獲賊屬并奪回被虜男婦五百問十四名口燒毀賊巢房屋七百一十二間及奪獲馬牛器械賊銀等項三哨統兵南安府知府李敷呈督同同知朱憲推官徐文英等官兵於十月十二等日攻破穩下等巢十二月初三日擊賊于朱雀坑等巢共八處生擒大賊首高文輝何文秀等五名擒斬賊從楊禮等三百六十一名顆俘獲賊屬并奪

回被虜男婦一百七十一名口燒毀賊巢房屋五百七十八間奪獲牛馬賊仗等物及先於七月二十五等日二次被賊擁衆攻打本府城池統領本營官兵會同指揮來春馮翔與賊對敵本職下官兵舍人共擒斬賊從龍正等一百三名顆來春下官兵擒斬賊從王伯崇等二十五名顆馮翔下官兵擒斬賊從劉保等一百三十五名顆四哨統兵江西都司都指揮僉事許清開稱督領千戶林節等官兵於十月十二等日攻破雞湖等巢共九處共擒斬大賊首唐洪劉允昌葉志亮譚祐李斌等共一十名顆賊從王志誠等一百四十六名顆俘獲賊屬并奪回被

南贛書 卷七  
虜男婦一百三名口燒毀賊巢房屋二百間及奪獲牛馬賊仗等物五哨統兵守備南贛二府地方以都指揮體統行事指揮使郝文呈督領安遠縣義官唐廷華官兵於十月十二等日攻破獅子寨等巢二十三日會兵擊賊于上新地寨斬獲首賊藍文昭等三名顛擒斬賊從許受仔等一百六十六名顛俘獲賊屬并奪回被虜男婦九十八名口燒毀賊巢房屋四百一十二間及奪獲牛馬器械等項六哨統兵贛州衛指揮余恩呈統領龍南縣新民王受等兵於十月十二等日攻破長流坑等巢共五處擒斬大賊首陳貴誠薛文高劉必深三名顛賊從郭彥秀

等一百七十七名顛俘獲賊屬并奪回被虜男婦九十九名口燒毀賊巢房屋五百一十七間及奪獲馬驢器械賊銀等物七哨統兵寧都縣知縣王天與呈督同典史梁儀等官兵於十月十二等日攻破樟木坑等巢共八處擒斬夫賊首鄧崇泰王孔洪等八名顛擒斬賊從陳榮漢等一百三十九名顛俘獲賊屬并奪回被虜男婦二百七十五名口燒毀賊巢房屋一百六間及奪獲牛馬賊物等項八哨統兵南康縣縣丞舒富呈統領上猶縣義官胡述等兵於十月十二等日攻破箬坑等巢共五處擒斬賊從康仲榮等四百一十九名顛俘獲賊屬并奪回被虜

男婦一百八十三名口燒毀賊巢房屋九百九十三間及奪獲牛馬賊銀等項及先於九月二十一等日大賊首謝志田等攻打白面寨隨督發寨長廖唯道等擒斬首從賊徒謝志田等三十五名顯九哨統兵廣東潮州府程鄉縣知縣張戩呈統領本縣新民等兵於十月二十四等日攻破杞州坑等巢十一月初一等日攻破西山界柘岡等巢共九處擒斬大賊首蕭貴富鍾得昌等六名顯賊從何景聰等二百五十七名顯俘獲賊屬并奪回被虜男婦一百五十七名口及奪獲牛馬器械賊銀等物十哨統兵吉安府知府伍文定呈統領廬陵縣等官兵劉項等

於十月二十四等日攻破寨下等巢十一月初一等日攻破上池等巢二十日擊賊於穩下等寨共十二處擒斬大賊首謝志珊葉三等二十名顯賊從王福兒等二百三十八名顯俘獲賊屬并奪回被虜男婦二百八十四名口燒毀賊巢房屋一百三十三間及奪獲賊仗等物中營隨征叅隨等官推官危壽指揮謝昶等各呈蒙提督軍門親統各職等官兵於十月十二等日攻破長龍橫水大巢及菴背等巢共七處生擒大賊首蕭貴模等一十四名擒斬賊從蕭容等四百六十五名顯俘獲賊屬并奪回被虜男婦二百四十八名口燒毀賊巢房屋二百二間及

奪獲牛馬金銀贓仗等項各呈報到道查得先為地方緊急賊情事節奉提督軍門案驗備仰本道計處兵糧約會三省官兵將上猶等處賊巢剋期進剿奏請定奪外本年六月初五日據大庾上猶等縣申并據南康縣縣丞舒富呈稱大賊首謝志珊號征南王糾率桶岡等巢賊首鍾明貴等約會廣東大賊首高快馬等大修戰具并造呂公車欲要先將南康縣打破就行乘虛入廣乞早為撲捕等因備呈本院行委知府季敷等分兵勦捕獲功呈報奏聞訖又經本院行委知府季敷指揮來春姚璽謝昶馮翔縣丞舒富千戶林節各於要害防遏擒斬功次俱發

仰本道紀驗解送本院臬示外隨該本道會同分守叅議黃宏議照江西地方唯桶岡一處該與湖廣約會夾攻龍川一縣該與廣東約會夾攻其餘三縣腹心之賊不時奔衝難以止遏合無以次勦捕等因具呈本院移文廣東湖廣鎮巡衙門約會以次攻勦間隨奉本院分定哨道指授方略將知府邢珣等刻期進勦備仰各道不妨職事照舊軍前紀驗贖畫等因依奉催督各營官兵進攻去後今呈前因除將擒斬賊徒首級俱類送巡按衙門會審紀驗明白生擒仍解提督軍門處決并賊級照例臬示被虜人口給親完聚賊屬男女并牛馬騾驢贖銀兩收候

賞功支用器械賊物俱發贛縣貯庫外職等議照上猶等縣橫  
水等巢大賊首謝志珊謝志田謝志富謝志海蕭貴模蕭貴富  
徐華譚曰志雷俊臣桶岡大賊首藍天鳳藍八蘇藍文昭胡觀  
雷鳴聰藍文亨雞湖大賊首唐洪新溪大賊首劉九昌楊梅大  
賊首葉志亮左溪大賊首薛文高高誦馮祥朱雀坑大賊首何  
文秀下關大賊首蘇景祥義安大賊首高文輝密溪大賊首陳  
王瑄康永三絲茅壩大賊首唐曰富劉必深長河壩大賊首蔡  
積富葉三梅伏坑大賊首陳貴誠驚坑大賊首暨通海赤坑大  
賊首譚曰榮雙壩大賊首譚祐李斌等寘頭克毒恃險爲惡借

擬王號僞稱總兵聚集黨類數千肆行流毒三省攻圍南安南  
康府縣城池殺害于戶主簿等官流劫湖廣桂陽鄱縣宜章吉  
安府龍泉萬安泰和永新等縣良民子女被其掣戮房屋倉廩  
被其焚燒道路田土被其阻聚占奪者以千萬頃賦稅屯糧負  
累軍民陪納者以千萬石其大賊首謝志珊藍天鳳各又自稱  
盤皇子孫收有傳流寶印畫像蠱惑羣賊悉歸約束卽其妖狐  
酷鼠之輩固知決無所就而原其封豕長蛇之心實已有不可  
言比之姚源之王浩八華林之胡雪二東鄉之徐仰四建昌之  
徐九齡均爲賊首而奸雄實倍之今則渠魁授首巢穴蕩平擒

南贛書  
卷一  
三  
斬既多俘獲亦盡數十年之禍害已除三省之冤憤頓釋等因  
據呈到臣卷查先准兵部咨爲申明賞罰以勵人心事該本部  
覆議請勅南贛等處都御史假以提督軍務名目給與旗牌應  
用以振軍威一應軍馬錢糧事宜徑自便宜區畫文職五品以  
下武職三品以下徑自拿問發落如遇諸賊入境即便調兵剿  
殺不許踵襲舊弊招撫重爲民患所部官軍若在軍前違期逗  
遛退縮俱聽以軍法從事題奉聖旨是王守仁著提督南贛江  
漳等處軍務換勅與他其餘事宜各依擬行欽此及爲地方緊  
急賊情事准兵部咨看得所奏攻治賊盜二說合無行文交與

先生之  
聖功也

都御史王守仁悉依前項申明賞罰事理便宜行事期於成功  
不限以時等因題奉聖旨是這申明賞罰事宜還行與王守仁  
知道欽此又准兵部咨該巡撫湖廣都御史秦金題該本部覆  
題看得郴桂等處與廣東江西所轄徃峒密邇聯絡若非三省  
會兵夾攻賊必遁散合無請勅兩廣并南贛總督巡撫等官會  
同行事尅期進兵等因節奉聖旨是都依擬行欽此又該巡按  
江西監察御史屠僑奏要會同湖廣江西撫鎮等官各量起兵  
約會尅期夾勦又該本部覆題奉聖旨是這南贛地方賊情只  
照依恁部裏原擬事宜着都御史王守仁自行量調官軍設法

勦捕如有該與江西兩廣巡撫總督等官會兵征勦的聽隨宜  
會議施行欽此續准兵部咨該臣題開計處南贛二府兵糧事  
宜及合用本省巡按御史紀功緣由該本部覆題奉聖旨是都  
依擬行欽此俱欽遵陸續備谷到臣俱經行江西廣東湖廣各  
道兵備守巡等官一體欽遵調取官軍兵仗尅期夾攻及咨巡  
撫江西都御史孫熾并行巡按御史屠僑各查照外續據領兵  
縣丞舒富等呈稱各輩賊首聞知湖廣土兵將到集眾據險四  
出殺掠猖熾日甚乞爲急處等因到臣當將進兵機宜督同兵  
備副使楊璋分守叅議黃宏統兵知府等官邢珣等議得桶岡

橫水左溪諸賊荼毒三省其患雖同而事勢各異以湖廣言之  
則桶岡諸巢爲賊之咽喉而橫水左溪諸巢爲之腹心以江西  
言之則橫水左溪諸巢爲賊之心腹而桶岡諸巢爲之羽翼今  
不先去橫水左溪腹心之患而欲與湖廣夾攻桶岡進兵兩寇  
之間腹背受敵勢必不利今議者紛紛皆以爲必須先攻桶岡  
而湖廣尅期乃在十一月初一日賊見我兵未集而師期尙遠  
且以爲必先桶岡勢必觀望未備今若出其不意進兵速擊可  
以得志已破橫水左溪移兵而臨桶岡破竹之勢篋不濟矣於  
是臣等乃決意先攻橫水左溪密切分布哨道使都指揮僉事

許情率兵千餘自南康縣左溪入知府邢珣率兵千餘自上猶縣石人坑入知縣王天與率兵千餘自上猶縣白面入令其皆會橫水使守備指揮郝文率兵千餘自大庾縣義安入知府唐淳率兵千餘自大庾縣聶都入知府季敷率兵千餘自大庾縣穩下入縣丞舒富率兵千餘自上猶縣金坑入令其皆會左溪知府伍文定知縣張猷候各兵齊集令其亦從上猶南康分入以遏奔衝臣亦親率兵千餘自南康進屯至坪期直據橫水以與諸軍會而使兵備副使楊璋分守叅議黃宏監督各營官兵往來給餉以促其後分布既定乃於十月初七日夜各哨齊發

初九日臣兵至南康初十日進屯至坪使間諜四路分探皆以爲諸賊不虞官兵猝進各巢皆鳴鑼聚衆往來呼噪奔走爲分投禦敵之狀勢甚張皇然已於各險隘皆設有滾木礮石度此時賊已據險勢未可近臣兵乘夜遂進十一日小餉未至賊巢三十里止舍使人伐木立柵開塹設堠示以久屯之形夜使報効聽選官雷濟義民蕭庚分率鄉兵及樵豎善登山者四百人各與一旗齋鏡砲鉤鏃使由間道攀崖懸壁而上分列遠近極高山頂以胡賊張立旗幟焚茅爲數千竈度我兵且至險則舉砲燃火相應十二日早臣兵進至十八面隘賊方據險迎敵驟



南華書  
卷七  
聞遠近山頂砲聲如雷煙焰四起我兵復呼噪奮通銃箭齊發  
賊皆驚潰失措以爲我兵盡入破其巢穴遂棄險退走臣預  
遣千戶陳偉高睿分率壯士數十緣崖上奪賊險盡發其滾木  
礮石我兵乘勝驟進呼聲震天拈揮謝昶馮廷瑞兵由間道先  
入盡焚賊巢賊退無所據乃大敗奔潰遂破長龍巢破十八回  
隘巢破先鵝頭巢破狗脚嶺巢破菴背巢破白藍橫水大巢先  
是大賊首謝志冊蕭貴模等皆以橫水居泉險之中倚以爲固  
聞官兵四進倉卒分衆扼險出禦見橫水煙焰障天銃砲撼搖  
山谷各失勢棄險走各哨官兵乘之奮勇力戰而入知府邢珣

遂破磨刀坑巢破茶坑巢破茶潭巢知縣王天興破樟木坑巢  
破石王巢都指揮許清破鷓湖巢破新溪巢破楊梅巢俱至橫  
水知府唐淳破羊牯腦巢破上關巢破下關巢破左溪大巢守  
備指揮郊文破獅寨巢破義安巢破苦竹坑巢指揮余恩破長  
流坑巢破午角窟巢破籠坑巢縣丞舒富破箬坑巢破赤坑巢  
砂竹壩巢知府李敦破上西峰巢破狐狸坑巢破鉛厰巢俱至  
左溪守巡各官亦隨後督兵而至是日擒斬首從賊人賊級并  
俘獲賊屬男婦奪回被虜人口牛馬賊仗數多其餘自相蹂踐  
墮崖填谷而死者不可勝計當是時賊路所由入皆舟崖倒樹

設阱埋筴不可行我兵晝夜涉深澗蹈叢棘過險絕則掛繩崖  
樹魚貫而上猿臂而下往往失足墮深谷幸而不死經數日始  
能出各兵已至橫水左溪皆困甚不復能驅逐會日已暮遂令  
收兵屯劄次日大霧兩咫尺不辨連數日不開乃令各營休兵  
享土而使鄉導數十人分探潰賊所往并未破巢穴動靜十五  
日得各鄉導報謂諸賊分陣預於各山絕險崖壁立有柵寨爲  
退保之計有復合聚於未破之巢者俱不意我兵驟入未及搬  
連糧穀若分兵四散追擊可以盡獲臣等竊計湖廣夾攻在十  
一月初一期已漸迫此去桶岡尙百餘里山路嶮峻三日始能

達若此中之賊圍之不克而移兵桶岡勢分備多前後顧瞻非  
計之得乃令各營皆分兵爲奇正二哨一攻其前一襲其後冒  
霧速進分投急擊十六日知府邢珣攻破旱坑巢寫井巢知府  
季敦守備指揮邢文攻破穩下巢李家巢十七日知府唐淳攻  
破絲茅壩巢十八日都指揮許清攻破朱雀坑巢村頭坑巢黃  
竹坳巢觀音山巢十九日指揮余恩攻破梅伏坑巢石頭坑巢  
二十日知府邢珣又攻破白封龍巢芒背巢知縣王天與攻破  
黃泥坑巢大富灣巢二十二日縣丞舒富攻破白水洞巢本日  
知府伍文定知縣張戩兵亦至二十四日知府伍文定攻破寨

下巢知縣張戩攻破杞州坑巢二十五日知縣張戩又破朱坑  
巢知府伍文定破楊家山巢二十六日知府季敷又破李坑巢  
都指揮許清又被川均巢二十七日守備指揮郊文又破長河  
洞巢連日各擒斬首從賊人賊級并俘獲賊屬男婦奪回被虜  
人口牛馬賊仗數多是日各營官兵請乘勝進攻桶岡臣復議  
得桶岡天險四面青壁萬仞中盤百餘里連峯參天深林絕谷  
不睹日月中所產早穀薯蕷之類足餉凶歲往者亦嘗夾攻坐  
困數月不能俘其一卒竟以招撫爲名而罷又詢訪鄉導其所  
由入唯鎖匙龍葫蘆洞茶坑十八磊新地五處然皆架棧梯壑

真懸絕壁而上賊使數人於崖巔坐發礮石可無執兵而禦我  
師唯上章一路稍平然深入湖廣迂回取道半月始至湖兵旣  
從彼入而我師復往事皆非便今橫水左溪餘賊皆已奔入其  
中同難合勢爲守必力善戰者其地險其節短今我欲乘全勝  
之鋒兼三日之程長驅百餘里而爭利彼若拒而不前頓兵幽  
谷之底所謂強弩之末不能穿魯縞矣今若移屯近地休兵養  
銳振揚威聲先使人諭以禍福彼必懼而請服其或不從者  
乘其猶豫襲而擊之乃可以逞乃使素與賊通戴罪義官李正  
巖醫官劉福泰釋其罪并縱所獲桶岡賊鍾景於二十八日夜

百章書 卷七  
懸壁而入期以初一日早使人於鎖匙龍受降賊方甚恐見三人至皆喜乃集衆會議而橫水左溪奔入之賊果堅持不可往復遲疑不暇爲備臣遣縣丞舒富率數百人屯鎖匙龍促使出降而使知府邢珣入茶坑知府伍文定入西山界知府唐淳入十八磊知縣張戢入葫蘆洞皆於三十日乘夜各至分地遇大雨不得進初一日早冒雨疾登大賊首藍天鳳方就鎖匙龍聚議聞各兵已入險皆驚愕散亂猶驅其衆男婦千餘人據內隘絕壁隔水爲陣以拒知府邢珣之兵渡水前擊張戢之兵衝其右伍文定之兵自張戢右懸崖而下遠賊傍擊賊不能支且戰

且却及午雨霽各兵鼓奮而前乃敗走縣丞舒富知縣王天與所領兵聞前山兵已入亦從鎖匙龍並登各置乘勝擒斬賊悉奔十八磊知府唐淳之兵復嚴陣迎賊又勝之會日晚猶扼險相持次早諸軍復合勢併擊大戰良久賊遂大敗知府邢珣破桶岡大巢破梅伏巢破烏池巢知縣張戢破西山界巢破鎖匙龍巢破黃竹坑巢知府唐淳破十八磊巢知府伍文定破鐵木里巢破上池巢破葫蘆洞巢知縣王天與破員分巢破背水坑巢縣丞舒富破大王嶺巢擒斬首從賊人賊級并俘獲賊屬男婦奪回被虜人口牛馬賊仗數多賊大勢雖敗結陣分遁者尙

多是日聞湖廣士兵將至臣使知府邢珣屯葫蘆洞知府唐淳  
屯十八磊知府伍文定屯大水守備指揮郊文屯下新地知縣  
張戩屯礮頭縣丞舒富屯茶坑指揮姚璽知縣王天與屯板嶺  
而使副使楊璋巡行礮頭茶坑諸營監督進止以繼其糧餉又  
使知府季敷分屯聶都以防賊之南奔都指揮許清留屯橫水  
指揮余恩留屯左溪以備腹心遺漏之賊而使叅議黃宏留劄  
南安給糧餉以爲聶都之繼臣亦躬率帳下屯茶寮使各營分  
兵與湖兵相會夾勅遁賊初五日知府邢珣又破上新地巢破  
中新地巢破下新地巢初七日知府唐淳又破杉木坳巢破原

陂巢破木里巢十一日知縣張戩破板嶺巢破天台巷巢十三  
日又破東桃坑巢破龍背巢連日各擒斬俘獲數多其間巖谷  
谿壑之內饑餓病疹顛仆死者不可以數於是桶岡之賊略盡  
臣以其暇親行相視形勢據險立隘使卒數百斬木棧崖鑿山  
開道又使典史梁儀領卒數百相視橫水創築土城周圍千餘  
丈亦設隘以奪其險議以地請建縣治控制三省諸徑斷其往  
來之路事方經營十六日據防遏推官徐文英呈稱廣東魚黃  
等巢被湖兵攻破賊黨男婦千餘突往鷄湖新地穩下朱雀坑  
等處臣復遣知府季敷分兵趨朱雀坑等處知府伍文定趨穩


下鷄湖等處守備指揮郝文知府邢珣趨上新等處各相機急  
勦二十日知府伍文定兵擊賊於穩下寨西降寨苦竹坑寨長  
河壩巢黎坑巢二十三日守備指揮郝文知府邢珣擊賊於上  
新地巢知府伍文定又追擊於鷄湖巢十二月初三日知府季  
敬擊賊於朱雀坑寨狐狸坑巢擒斬首從賊徒俘獲賊屬奪獲  
賊仗數多於是奔遁之賊始盡然以湖廣二省之兵方合雖近  
境之賊悉以掃蕩而四遠奔突之虞難保必無乃留兵二千餘  
分屯茶寮橫水等隘而以是月初九日回軍近縣以休息疲勞  
候二省夾攻盡絕然後功師兩月之間通計掃過巢穴八十餘

處擒斬大賊首謝志珊藍天鳳等八十六名顆從賊首級三千  
一百六十八名顆俘獲賊屬二千三百三十六名口奪回被虜  
男婦八十三名口牛馬騾六百八隻匹賊仗二千一百三十一  
件金銀一百一十三兩八錢一分總計首從賊徒賊屬牛馬賊  
仗共八千五百二十五名顆口隻作俱經行令轉解紀功官處  
審驗紀錄去後今呈前因參照大賊首藍天鳳謝志珊等盤據  
千里荼毒數郡僭擬王號罔謀不軌基禍種惡且將數十餘年  
而虐焰之熾盛毒流之慘極亦已數年于茲前此亦嘗夾勦曾  
不能損其一毛屢加招撫適足以長其桀驁乃今驅卒不過萬

南齊書 卷七  
餘用費不滿三萬兩月之間俘斬六千有奇破巢八十有四渠  
魁授首噍類無遺此豈臣等能賢於昔人是皆仰仗朝廷威德  
之被廟堂處置得宜既假臣以賞罰之權復專臣以提督之任  
故臣等得以伸縮自由舉動如志奉成筭以行事循方略而指  
揮將士有用命之美進止無掣用之虞及照監軍副使楊璋叅  
議黃宏領兵都指揮僉事許清都指揮使行事指揮使邴文知  
府邢珣季敷伍文定唐淳知縣王天與張戩指揮余恩馮翔縣  
丞舒富隨征叅謀等官指揮謝和等以上各官或監軍督餉或  
領兵隨征悉皆深歷危險備嘗艱難各効勤苦之力共成克捷

之功俱合甄錄以勵將來伏願皇上普彰廟堂之大賞兼收行  
伍之微勞激勸既行功庸益集自然賊盜寢息百姓安生則地  
方幸甚臣等幸甚

陶評前伍詳明精神警策用濶眼細心讀此一疏卽是韓信  
將兵多多益善本領學文者不能於此文反覆貫串原始要  
終相其運用之妙是無志爲第一等文人也○人以此爲事  
子以此爲文子心中實見其然後之讀者能于精神警策四  
字求之其庶幾乎至囑至囑



橫水建立營塲牌

照得本院親督諸軍進破橫水等巢賊徒已就誅戮但山高林密誠恐漏殄之徒大軍撤後仍復嘯聚必須建立營塲委官防守爲此牌仰典史梁儀協同千戶林節統領寧都機兵四百名信豐機兵六百名就在橫水大村砍伐木植相視地勢雄阜去處建立營塲一所周圍先豎木柵逐旋修築土城聽候本院同軍住劄以憑委官留軍防守各官務要同力協謀精勤幹理丁完之日照依軍功論賞所領兵衆如有不聽約束許以軍令責治其合用夫匠等項聽於南安所屬上猶南康等縣取用該縣



南華書 卷七  
俱要即時應付毋得遲違悞事

先生每於勝賊後輒爲善後之圖所以永無後患

設立茶寮隘所

照得撫屬上猶等縣所轄桶岡天險四面青壁萬仞中盤二百餘里連峰叅天溪林絕谷不睹日月賊衆屯據其間東出西沒遊劫殆遍人民遭其荼毒地方受其擾害先年亦嘗用兵夾勦坐困數月不能俘其一卒竟以招撫爲名而罷近該本院奉命征勦仗賴天威悉已掃蕩但恐官兵撤後四方流賊乘間復聚必須於緊關去處設立隘所分撥軍兵委官防禦庶使地方得以永寧本院見屯茶寮親督知府邢珣唐淳等徧歷各處險要相視得茶寮正當桶岡之中自來盜賊據以爲險西通桂東桂

陽南連仁化樂昌北接龍泉永新東入萬安興國堪以設隘保障當因湖廣官兵未至各營屯兵坐候因以其暇責委千戶孟俊等督領兵夫先行開填基址伐木立柵起蓋營房見今規模草創已具木院卽欲移營上猶必須委官督工庶幾垂成之功不致廢弛及照茶寮旣設隘所就合摘撥官兵防禦查得皮袍洞隘兵原非緊要合改移茶寮及於隣近上保古亭赤水鮮潭金坑編選隘夫兼同防守庶一勞永逸事可經久爲此仰抄案回道坐委能幹縣官一員前去茶寮督工完造務要堅固永久不得因循遲延一面查照本院欽奉勅諭隨宜處置事理卽將

原撥守把皮袍洞隘官兵盡數移就茶寮住劄一面於上保亦水古亭鮮潭金坑等寨量丁多寡每寨抽選精壯者一二百名兼同防禦其合用匠作工食等項行令上猶南康大庾三縣量支官錢給用完日具數及起撥官兵數目一併回報查考仍呈撫鎮巡按衙門知會

於戰勝後輒思爲善後之圖此方是一勞永逸之計

立崇義縣治疏

據江西巡守嶺北道兵備副使楊璋左叅議黃宏會呈據南安府知府季敷呈稱所屬致仕省祭義官監生楊重貴等呈稱上僧等縣橫水左溪長流補岡關田鷄湖等處賊巢共計八十餘處界乎三縣之中東西南北相去三百餘里號令不及人迹罕到其初肇賊原係廣東流來先年奉巡撫都御史金澤行令安插於此不過砍山耕活年深日久生長日蕃羽翼漸多居民受其殺戮田地被其占據又且潛引萬安龍泉等縣避役逃民并百工技藝遊食之人雜處于內分羣聚黨動以萬計始漸虜掠

南康書 卷七  
三  
鄉村後乃攻劫郡縣近年肆無忌憚遂立總兵借擬王號罪惡貫盈神人共怒今幸奉聞征勦家本院親率諸軍搗其巢穴擒其首惡妖氛爲之掃蕩地方爲之底寧三縣之民歡欣鼓舞如獲更生訪得各縣流來之賊自聞夾攻消息陸續逃出頗衆但恐大兵撤後未免復聚爲患合無三縣適中去處建立縣治實爲久安長治之策等因到道隨取各縣鄉導于軍營研審查得前項賊巢係上猶大庾南康三縣所屬上猶縣崇義上保鴈湖三里先年多被賊殺戮田地被其占據大庾縣義安三里人戶一被殺傷田地賊占一半南康縣至坪一里人戶皆居縣城田

地被賊阻荒總計賊古田地六里有半隨蒙本院委領兵知府邢珣知縣王天與黃文鸞親歷賊巢踏勘三縣之中適均去處無如橫水原係上猶縣崇義里地方山水合抱土地平坦堪以設縣隨會同分守左叅議黃宏議得合無於此建立縣治盡將三縣賊人古據阻荒田地通行割出緣里分入戶數少查得南康縣上龍一里崇德一里亦與至坪相接緣至坪三都雖非全里然而地方廣濶錢糧數多堪以折作一里合割併屬新縣其間人戶數少者田糧尙存招人佃買可以復全縣治旣設東去南康尙有一百二十里要害去處則有長龍西去湖廣桂陽縣

界二百餘里要害去處則有三保南去大庾縣一百二十餘里  
要害去處則有鉛廠俱該設立巡簡司查得上猶縣過步巡檢  
司路僻無用宜改移上保備錄呈詳奉批看得橫水開建縣治  
實亦事不容已但未經奏請須候命下方可決議兼之工程浩  
大一時恐未易就今賊勢雖平漏殄尙有且宜遵照本院欽奉  
勅諭隨宜處置事理先於橫水建立隘所以備目前不測之虞  
除委典史梁儀等一面豎立木柵修築土城修建營房外查得  
橫水附近隘所如至坪鴈湖賴塘等處盜賊既平已爲虛設其  
附近村寨如白面長潭杰壩石玉過步果木鳥溪水眼等處居

民訪得多係通賊窩主及各縣城郭村寨亦多有通賊之人合  
府各隘隘夫悉行撥守橫水其通賊人戶盡數查出編充隘夫  
永遠守把其不係通賊者量丁多寡抽選編簽輪班更替務足  
一子餘名之數責委屬官一員統領常川守把遇有殘黨嘯聚  
出沒即便相機勦捕候縣治既立人煙輳集地方果已寧靖再  
行議處裁損其開建縣治本院親行踏勘再四籌度固知事不  
可已但舉大事須順民情兵革之後尤宜存恤仰該道會同分  
守等官再行拘集地方父老子弟多方詢訪必須各縣人民踴  
躍鼓舞爭先趨事然後興工庶幾事舉而人有子來之美工成

而民享借樂之休仍呈撫按等衙門公同計議施行等因依奉  
會同叅議黃宏道照批呈事理先於橫水設立隘所防範不虞  
及行該府再行拘集詢訪外隨據府縣各申拘集父老到官各  
交口歡欣鼓舞趨事別無民情不便等因備呈到道覆審無異  
轉呈到臣會同巡撫江西等處地方都察院右副都御史孫燧  
巡按江西監察御史屠僑議照前項地方大盜既已平蕩後患  
所常預防今議立縣治并巡司等衙門懲前慮後杜漸防微實  
皆地方至計及查得橫水議建縣治處所原係上猶縣崇義里  
因地名縣亦爲相應如蒙皇土憫念地方屢遭荼毒乞勅該部

俯順民情從長議處早賜施行并儒學巡司等衙門一體銓選  
官員鑄給印信如此則三省殘孽有控制之所而不敢聚三省  
奸民無潛匿之所而不敢逃變盜賊強梁之區爲禮義冠裳之  
地久安長治無出於此  
得此經制而橫水桶岡之局始結

平茶寮碑

正德丁丑猥寇大起江廣湖柳之家引然且三四年矣於是三省奉命會征乃十月辛亥予督江西之兵自南康入甲寅破橫水左溪諸巢賊敗奔庚申復連戰奔桶岡十一月癸酉入桶岡大戰西山界甲戌又戰賊大潰丁亥盡殪之凡破巢八十有四擒斬三千餘俘三千六百有奇釋其脇從千有餘衆歸流亡使復業度地居民鑿山開道以夷險阻辛丑師旋於平兵爲凶器不得已而後用刻茶寮之石匪以美成重舉事也提督軍務都御史王某書

告諭洞頭巢賊

本院巡撫是方專以弭盜安民爲職蒞任之始卽聞爾等積年流劫鄉村殺害良善民之被害來告者月無虛日本欲卽調大兵勦除爾等隨往福建督征漳寇意待回軍之日勦蕩巢穴後因漳寇旣平紀驗斬獲攻次七千六百有餘審知當時倡惡之賊不過四五十人黨惡之徒不過四千餘衆其餘多繫一時被脅不覺然與哀因念爾等巢穴之內亦豈無脇從之人况聞爾等亦多大家子弟其間固有識達事勢頗知義理者自吾至此未嘗遣一人撫諭爾等豈可遽爾與師翦滅是亦近於不教

思  
字心人  
思

陶三此  
言勢之  
必能

陶三此  
言理之  
必能

陶三原  
其致此  
之由

而殺異日吾終有憾於心故今特造人告諭爾等勿自謂兵力  
之強更有兵力強者勿自謂巢穴之險更有巢穴險者今皆悉  
已誅滅無存爾等豈不聞見夫人情之所共耻者莫過於身被  
為盜賊之名人心之所共憤者莫甚於身遭劫掠之苦今使有  
人罵爾等為盜爾必怫然而怒爾等豈可心惡其名而身蹈其  
實又使有人焚爾室虛劫爾財貨掠爾妻女爾必懷恨切骨寧  
死必報爾等以是加人人其有不怨者乎人同此心爾寧獨不  
知乃必欲為此其間想亦有不得已者或是為官府所迫或是  
為大戶所侵一時錯起念頭誤入其中後遂不敢出此等苦情

陶三此  
會准悔  
悟乃有  
生路

陶三此  
既言不  
無無終  
被之之

陶三此

亦甚可憫然亦皆由爾等悔悟不切爾等當初去從賊時乃是  
陶三此生人尋死路尙且要去便去今欲改行從善乃是死入求生路  
乃反不敢何也若爾等肯如當初去從賊時拚死出來求要改  
行從善我官府豈有必毀彼汝之理爾等久習惡毒忍於殺人  
心多捕疑豈知我土人之心無故殺一鷄犬尙且不忍况於人  
命關天若輕易殺之冥冥之中斷有違報殃禍及於子孫何苦  
而必欲為此我每為爾等思念及此輒至於終夜不能安寢亦  
無非欲為爾等尋一生路唯是爾等冥頑不化然後不得已而  
興兵此則非我殺之乃天殺之也今謂我全無殺爾之心亦是



謬言即欲殺之亦必以其悔悟而喜之

同云此言不唯可生而感安樂之甚

詐爾若謂我必欲殺爾又非吾之本心爾等今雖從惡其始同是朝廷赤子譬如一父母同生十子八人為善二人背逆要害八人父母之心須除去二人然後八人得以安法均之為子父母之心何故必欲偏殺二子不得已也吾於爾等亦正如此若此二子者一旦悔惡遷善號泣投誠為父母者亦必哀憫而收之何者不忍殺其子者乃父母之本心也今得遂其本心何喜何幸如之吾於爾等亦正如此聞爾等辛苦為賊所得苦亦不多其間尚有衣食不克者何不以爾為賊之勤苦精力而用之於耕農運之於商賈可以坐致饒富而安享逸樂放心縱意遊

觀城市之中優游田野之內豈如今日擔驚受怕出則畏官避讐入則防誅懼勦潛形遁跡憂苦終身卒之身滅家破妻子戮辱亦有何好爾等好自思量若能聽受吾言改行從善吾即視爾為良民撫爾如赤子更不追咎爾等既往之罪如葉芳梅南春王受謝跋蓋吾今只與良民一槩看待爾等豈不聞知爾等若習性已成難更改動亦山爾等任意為之吾南調兩縣之狼此時軍發已定而此處張之言其實一草未淺蓋子運勢達西調湖湘之士兵親率大兵圍爾巢穴一年不盡至於兩年下當波也然謂此言為詳以江遠堅其志則其言又誠賊兩年不盡至於三年爾之財力有限吾之兵糧無窮縱爾等皆可恃而能與之敵乎在先生言之則他人粗蠢主言不通如為有翼之虎諒亦不能逃於天地之外嗚呼吾豈好殺爾等哉

一此何其妙也

爾等苦必欲害吾良民使吾民寒無衣饑無食居無廬耕無牛

父母死亡妻子離散吾欲使吾良避爾則田業被爾等所侵奪

已無可避之地欲使吾民賄爾則家資為爾等所虜掠已無可

賄之財就使爾等今為我謀亦必須盡殺爾等而後可吾今特

遣人撫諭爾等賜爾等牛酒銀錢布疋與爾妻子其餘人多不

能通及各與曉諭一道爾等好自為謀吾言已無不盡吾心已

無不盡如此而爾等不聽非我負爾乃爾負我我則可以無憾

矣嗚呼民吾同胞爾等皆吾赤子吾終不能撫恤爾等而至於

殺爾痛哉痛哉興言至此不覺淚下

此言計  
九窮別  
無生爾  
之法

### 申諭十家牌法

本院所行十家牌諭近來訪得各處官吏類多視為虛文不肯  
着實奉行查考據法即當究治尚恐未悉本院立法之意故今  
特述所以再行申諭凡置十家牌須先將各家門面小牌挨審  
的實如人丁若干必查某丁為某官吏或生員或當某差役習  
某技藝作某生理或過某房出贅或有某殘疾及戶籍田糧等  
項俱要逐一查審的實十家編排既定照式造冊一本留縣以  
備查考及過勾攝及差調等項按冊處分或無躲閃脫漏一縣  
之事如視諸掌每十家各令換報甲內平日習為偷竊及喇虎

教唆等項不良之人同具不致隱漏重甘結狀官府爲置舍舊圖新簿記其姓名姑勿追論舊惡令其自今改行遷善果能改化者爲除其名境內或有盜竊卽令此輩自相挨緝若係甲丙漏報仍并治同甲之罪又每日各家照依牌式輪流沿門曉諭覺察如此卽奸僞無所容而盜賊亦可息矣十家之內但有爭訟等事同甲卽時勸解和釋如有不聽勸解恃強凌弱及誣告他人者同甲相率稟官官府當時量加責治省發不必收監淹滯凡遇問理詞狀但涉誣告者仍要查究同甲不行勸稟之罪又每日各家照牌互相勸諭務令講信修睦息訟罷爭日漸開

導如此則小民益知爭鬪之非而詞訟亦可簡矣凡十家牌式其法甚約其治甚廣有司果能着實舉行不但盜賊可息詞訟可簡因是而修之補其偏而救其弊則賦役可均因是而修之連其伍而制其什則外侮可禦因是而修之警其薄而勸其厚則風俗可淳因是而修之導以德而訓以學則禮樂可興凡有司之有高才遠識者亦不必更立法制其於民情土俗或有未備但循此而潤色修舉之則一邑之治真可以不勞而致今特畧述所以立法之意再行申告言之所不能盡者其各爲我精思熟究而力行之毋徒紙上空言搪塞竟成掛壁之虛文則庶

南華書  
卷七  
乎其可矣

批嶺西道立營防守呈

據僉事李香呈稱雇募打手立營防守緣由看得所議既得其要畧但屯兵固不可分而合兵又不宜頓必須該道及統兵官時將屯聚之兵督率於賊盜出沒要害往來巡視操演因而或修復營堡或開通道路或戒飭反側徃寨或撫安凋弊民村巡行慣熟遠近不疑擇其長惡不悛者間行鷙勦懲一戒百如農夫之植未必逐漸而耕耨如園丁之去草必以次而芟除庶屯聚之兵無坐食之患而有日新之功矣仰備行各官查照施行

批嶺北道攻守機宜呈

據兵備副使楊璋呈稱訪得前項賊徒俱被逃往橫水桶岡大巢屯聚所平巢穴未免復來營結合行知府季敦統領巽字營兵一千二百名防遏大庾縣賊巢縣丞舒富仍統震字營兵一千二百名防遏上猶南康二縣賊巢看得各巢賊黨雖已潰散計其勢窮食絕必將復出剽虜所議防遏事理照議施行仍行縣丞舒富務要在於賊巢總會處所屯劄多遣乖覺鄉導分路爪緝探知賊徒將出即使設伏擒勦務竭忠誠以副委任并得虛文粉飾此後但有推奸坐視定行治以軍法再照前項賊徒

今皆聚於橫水桶岡若遣重兵直搗其地示以必攻之勢彼將  
團結自守不假勢必不敢分來出掠不過旬餘兩巢之賊可以  
坐取仍仰該道密議直摺方略呈來定奪呈繳

中行十家牌法

凡立十家牌專爲止息盜賊若使每甲各自糾察甲內之人不  
得容留賊盜右甲如此左甲復如此城郭鄉村無不如此以至  
此縣如此彼縣復如此遠近州縣無不如此則盜賊亦何自而  
生夫以一甲之人而各自糾察十家之內爲力甚易使一甲而  
容一賊十甲卽容十賊百甲卽容百賊千甲卽容千賊矣聚賊  
至於千百雖起一縣之兵而勦除之爲力固已甚難今有司往  
往不嚴十家之法及至於盜賊充斥却乃興師動衆欲於某處  
屯兵某處截捕不治其本而治其末不爲其易而爲其難皆由

南華書  
卷之七  
平日怠忽因循未嘗思念及此也自今務令各甲各自糾舉甲內但有平日習爲盜賊者卽行捕送官司明正典刑其或過惡未稔尙可教戒者照依牌諭報名在官令其改化自新官府時加點各省諭又逐日督令各家輪流沿門曉諭覺察如此則奸僞無所容而盜賊自可息矣○大抵法立弊生必須人存政舉若十家牌式徒爾編置張掛督勸考較之法雖或暫行終歸廢弛仰各該縣官務於坊里鄉都之內推選年高有德衆所信服之人或二四十八或一二十人厚其禮貌特示優崇使之分投巡訪勸諭深山窮谷必至教其不能督其不卒面命耳提多方

化導或素習頑梗之區亦可間行鄉約進見之時咨詢民瘼以通下情其於邑政必有裨補若巡訪勸諭著有成效者縣官備禮親造其廬重加獎勵如此庶幾教化興行風俗可美後之守令不知教化爲先徒恃刑驅勢迫由其無愛民之實心若使果然視民如己子亦安忍不施教誨勸勉而輒加箠楚鞭撻孟子云善政不如善教之得民也况非善政乎守令之有志於愛民者其盍思之

獎勵湖廣統兵叅將史春輝

據副使楊璋呈稱遵奉本院牌案監督各營官兵照依二省刻  
定日期於十一月初一日午時攻破桶岡大峒賊徒皆已擒斬  
巢穴悉已掃蕩但湖廣官兵未知恐仍復前來非但無賊可勦  
抑且徒勞遠涉乞將湖廣官兵留屯彼地免其過境實為彼此  
兩便等因到院看得桶岡大險先經夾勦圍困半年終不能下  
乃今一鼓而破斯固諸將用命軍士効力實亦湖廣兵威大振  
有以懾服其心故破巢之日不敢四散奔潰以克收茲全功訪  
得湖廣統兵叅將史春紀律嚴明行陣肅整故能遠揚威武致

茲克捷雖兵不接刃而先聲以張相應差官獎勵爲此牌差千  
月高睿齋領後開花紅禮物前去湖廣郴州親送本官營內傳  
布本院獎勵之意以彰本官丕顯之功

牌行招撫官

據縣丞舒富稟稱橫水等處新民廖成廖滿廖斌等前來投招  
隨又招出別山餘黨唐貴安等一百二十四名口俱稱原繫被  
脇無辜乞要安撫照例糧差等因到院照得橫水桶岡諸賊已  
經本院親調官兵將賊首藍天鳳等悉已擒勦奏捷去後近准  
兵部咨奉勅旨橫水桶岡等處賊首謝志珊藍天鳳蕭貴模  
等既已擒勦地方寧靖有功官兵俱陞一級不願陞者照例給  
賞此後但有未盡餘黨務要曲加招撫毋得再行勦戮有傷天  
地之和其橫水建立縣治俱依所奏施行備咨准此除咨照通



行外看得新民廖成等誠心投撫意已可嘉又能招出餘黨非但洗其既往之罪亦當錄其圖新之功況今奉有勅旨方欲大普宏仁而廖成等投順適當其時相應量加陞賞一以見朝廷之寬仁一以勵將來之向化爲此牌仰縣丞舒富卽將新民廖成授以領哨義官廖滿廖斌等各與巡捕老人名目令其分統招出新民編立牌甲聽候調遣殺賊更立新効以贖舊愆就於橫水新建縣城內立屋居住分撥田土令其照例納糧當差本官務加撫恤毋令失所有虧信義仍仰諭各新民俱要洗心滌慮永爲良善毋得聽信讐家恐嚇妄生驚疑自取罪累及照見

今農時已逼新民人等牛具田種當未能備今特發去商稅銀一百兩就仰本官置買耕牛農器分給各民督令上緊趁時布種其有見缺食用者亦與量給鹽米一應撫安綏來之策有可施行俱仰本官悉心議處呈

批將士爭功呈

據兵備僉事王大用呈樂昌縣知縣李增緝獲大賊首李斌等審驗明白續據湖廣永州府推官王瑞之呈稱廣東差人邀奪等情已拘知縣見在人役追出原得獲李斌金簪銀兩荷包見在顯是湖廣兵快計擒不得妄報掩飾看得邇者大征之舉湖

廣實首其謀江廣亦協其力既名夾攻事同一體湖兵有失是亦廣兵之罪廣人有獲斯亦湖人之功况今賊首既擒則湖廣領哨之官亦復何咎雖云因虞得鹿而廣東計誘之人亦非無功但求共成厥事何必已專其伐矧各呈詞亦無相遠就如湖廣各官所呈即廣人乘機捕獲之功居然自見就如廣東各官所呈則湖官運謀驅逐之勞亦自不掩獲級者匹夫之所能爭功者君子之大耻仰該道滿行湖廣守巡等官彼此同心易氣各自據實造冊

辭免陞廕乞以原職致仕疏

臣於六月初六日准兵部咨為捷音事該臣題該本部覆題節該奉聖旨王守仁陞右副都御史廕子一人做錦衣衛世襲百戶寫勅獎勵欽此欽遵臣聞命驚惶莫知攸措感極而懼若墜冰淵切念臣以章句陋儒過蒙朝廷滌瑕掩垢收錄於擯棄之餘既又求長於短板之間散之中授以巡撫之寄其時臣以抱病在告兩疏乞休偶值前官有託疾避難之嫌該部論奏之義甚嚴朝廷督責之旨又切遂不逞他計狼狽就途蒞事之後兵耗財匱盜熾民窮縮手四顧莫措一籌朝廷憫念地方之顛危

南華書 卷七  
慮臣才微力弱必致傾債謂其責任之不專無以聯屬人心賞  
罰之不重無以作興士氣號令之不肅無以督調遠近於是該  
部議假臣以賞罰朝廷從而假之以賞罰議給臣以旗牌朝廷  
從而給之以旗牌議改臣以提督之在朝廷從而改之以提督  
之任授之方略而不拘以制責其成功而不限以時由是臣以  
賞罰之柄而激勵三軍之氣以旗牌之重而號召遠近之兵以  
提督之權而紀綱八府一州之官吏伸縮如志舉動自由於是  
兵威漸振賊氣先奪成軍而出一鼓而破橫水再鼓而滅桶岡  
全師克捷振旅復舉又一鼓而破三洲再鼓而下九連皆役不

再藉兵無挫刃分遣官屬賫執旗牌以麾督兩廣夾勦之師亦  
莫不畏威用命咸奏成功由是言之其始促臣之來蒞事者該  
部之議朝廷之斷也旗牌之能號召者該部之議朝廷之斷也  
提督之能紀綱者該部之議朝廷之斷也方略之所分布舉動  
之得展舒者該部之議朝廷之斷也臣亦何功之有而敢冒承  
其賞乎譬之駕駟之馬而得良御齊輯乎轡銜之際而緩急乎  
唇吻之和內得於人心外合於馬志故雖駕下亦能盡日之力  
而至百里人見其駕而百里因謂之能不知其能致此皆御馬  
者驅策之力不然將數里而蹄或十數里而止矣馬之疲勞或

誠有之而遂以歸功於馬其可乎況臣驅逐之餘疾病交作手足麻痺漸成廢人前在賊巢已嘗具本請罪告病乞休日夜伏候允報庶幾生還畎畝乃今求退而獲進請咎而蒙賞雖臣貪冒垂涎忍耻苟得其如朝廷賞功之典何伏望皇上推原功之所始無使賞有濫及改回成命臣苟有微勞不加罪戮容令仍以原職致仕延餘喘於田野如此則上無濫恩下無奸賞宣力受任者得免於覆餗之誅量能度分者獲遂其知止之願臣無任感恩懼罪懇切祈望之至

上晉溪司馬書

郴衡諸處羣孽漏殄尙多蓋緣進勦之時彼省土兵不甚用命而廣兵防夾又復稍遲是以致此其在目今若無凶荒之災兵革之釁料亦未敢動作但恐一二年後則有所不能保耳今大征甫息勢旣未可輕舉而地方新遭土兵之擾復不堪重困將紓目前之患不過添立屯堡若欲稍爲經久之圖亦不過建立縣治然此二端彼省鎮巡已嘗會奏舉行生雖復往豈能別有區畫但度其事勢屯堡之設雖可以張布聲威然使守瞭日久未免怠弛散歸無事則虛具名數冒費糧餉有急卽張皇貶勢

復須調兵此其勢之所必至者惟建縣一事頗爲得策又聞所設縣分乃瓜分兩省三縣之地彼此各吝土地人民豈肯安然割已所有以資異省別郡必有紛爭異同之論未能歸一則立縣之舉勢亦未易克就既承責委亦已遣人再往詢訪苟有利弊稍可裨益者當復舉請但因閩事孔棘遙聞廟堂之議亦欲繆以見責故且未敢輒往柳桂然勅書久未見對則閩中亦不敢遽往旦夕諮訪其事頗悉願未大槩閩中之變亦山漬漸所致其始作於延年繼發於邵武又繼發於建寧發於江漳發於沿海諸衛所其間驚閭雖小大不一然亦皆因倡於前者略無

懲創遂敢效尤而興今省城渠魁雖已授首人心尙爾驚惶未定邵武諸處尤不可測急之必致變縱而不問將來之禍尤有不可勝言者蓋福建之軍縱恣驕騫已非一日既無漕運之勞又無征戍之役飽食安坐征賦不及居則腴民之膏血以供其糧有事返藉民之子弟而爲之鬪有司奉養若孺于百姓疾畏如虎狼稍不如意呼喚羣聚而起焚掠居民鄉管官吏氣燄所加帖然惟其所欲而後已今其勢既盈如將潰之隄定于洶洶匪朝伊夕雖有智者難善其後固非迂方如守仁者所能辦此也又况積弱之軀百病侵軀近日復聞祖母病危日夜痛苦方

寸已飢豈復堪任臨期敗事罪戮益重輒敢先以情訴伏望曲  
加矜憫改授能者使生得全首領歸廷殘息於田野非生一人  
之幸實一省數百萬生靈之幸也情盛辭隘忘其突冒死罪死  
罪

興王晉溪司馬書

伏惟明公德學政事高一世守仁晚進雖未獲親炙而私淑之  
心已非一日乃者承乏鴻臚自愧迂腐多疾無復可用於世思  
得退歸田野苟存餘息乃蒙大賢君子不遺葑菲拔置重地適  
承前官謝病之後地方亦復多事遂不敢固以疾辭已於正月  
十六日抵贛扶疾蒞任雖感恩圖報之心無不欲盡而精力智  
慮有所不及恐不免終爲薦舉之累耳伏惟仁人君子器使曲  
成責人以其所可勉而不強人以其所不能則守仁羈鳥故林  
之想必將有日可遂矣因遣官詣關陳謝敬附申謝私於門下

伏冀尊照不備

守仁近因畚賊大修戰具遠近勾結將遂乘虛而入乃先其未發分兵掩撲雖斬獲未盡然克全師而歸賊巢積聚亦爲一空此皆老先生申明律例將士稍知用命以克有此不然以南贛素無紀律之兵見賊不奔亦已難矣况敢暮夜之間奮呼追擊功雖不多其在南贛則實創見之事矣伏望老先生特加勸賞使自此益加激勵幸甚今各巢奔潰之賊皆聚橫水桶岡之間與郴桂諸賊接境生恐其勢窮或并力復出且天氣炎毒兵難深入遠攻乃分留重卒於金坑營前扼其要害示以必攻之勢

使之旦夕防守不遑他圖又遣遣人於已破各巢山谷間多張疑兵使既潰之賊不敢復還舊巢聊且與之牽持候秋氣漸涼各處調兵稍集更圖後舉惟望老先生授之以成妙之算假之以專一之權明之以賞罰之典生雖庸劣無能爲役敢不鞭策鴛鈍以期無負推舉之盛心秋冬之間地方苟幸無事得以歸全病喘於林下老先生骨肉生死之恩生當何如爲報耶前月秦捷人去會瀆短啟計已達門下守仁才劣任重大懼覆餗爲薦揚之累近者南贛盜賊雖外若稍定其實譬之疽癰但未潰決至其惡毒則固口深月積將漸不可瘳治生等固庸醫

又無藥石之備不過從旁撫摩調護以紓目前自非老先生發  
鍼下砭指示方藥安敢輕措其手冀百一之成前者申明賞罰  
之請固來來鍼祇於門下不知老先生肯賜俯從卒投起死回  
生之方否也近得輦中消息云將大舉乘虛入廣蓋兩廣之兵  
近日皆聚府江生等恐其聲東擊西亦已密切布置將爲先事  
之圖但其事隱而未發未敢顯言於朝然又不敢不以聞於門  
下且聞府江不入班師則其謀亦將自阻大抵南贛兵力極爲  
空疎近日稍加募選訓練始得三千之數然而糧餉之資則又  
百未有措若夾攻之舉果行則其勢尤爲窘迫欲稱貸於他省

則他省各有軍旅之費欲加賦於貧民則貧民又有從盜之虞  
惟贛州雖有鹽稅一事邇來既奉戶部明文停止但官府雖有  
禁止之名而幻豪實竊私通之利又鹽利下通於三府皆民情  
所深願而官府稍取其什一亦商人所悅從用是輒囚官僚之  
議仍舊抽放蓋事機窘迫勢不得已然亦不加賦而財足不擾  
民而事辦比之他圖固尤計之得者也今特具以聞奏伏望老  
先生曲賜扶持使兵事得賴此以濟實亦地方生靈之幸生等  
得免於失機誤事之誅其爲感幸尤深且大矣自非老先生體  
國憂民之至何事每敢控聒若此



生於前月二十日地方偶獲微功已於是月初二日具本聞奏  
差人既發始領部咨知文攻已有成命前者嘗具兩可之奏不  
敢專主夾攻者誠以前此三省嘗爲是舉乃往返勘議動經歲  
月形迹顯暴事未及舉而賊已奔竄大半今老先生略去繁文  
之擾行以實心斷以大義一決而定機速事果則來攻之舉固  
亦未嘗不善也凡敗軍債事皆緣政出多門每行一事既稟巡  
撫復稟鎮守復稟巡按往返需遲之間謀慮既泄事機已去昨  
睹老先生所議謂問外兵權貴在專委任伐事宜切忌遲制且  
復除去總制之名使三省事有專責不合掣肘致相推托真可

謂一洗近年瑣屑牽擾之弊非有大公無我之心發強剛毅者  
孰能與於斯矣廟堂之上得如老先生者爲之張主人亦孰不  
樂爲之用乎幸甚幸甚今各賊巢穴之近江西者蓋已焚毀大  
半但擒斬不多徒黨尙盛其在廣東湖廣者猶有三分之一若  
平日相機掩撲則賊勢分而兵力可省今欲大舉賊且併力合  
勢非有一倍之衆未可輕議攻圍况南贛之兵素稱疲弱見賊  
而奔乃其長技廣湖所用皆土官狼兵賊所素畏夾攻之日勢  
必偏潰江西今欲請調狼兵以當賊鋒非惟慮其所過殘掠兼  
恐緩不及事生近以漳南之役親見上杭程鄉兩處機快頗亦

南贛書 卷之  
可用且在撫屬之內故今特調二縣各一千名并贛南贛新集  
起倩共計一萬二千之數若以軍法五攻之例必須三省合兵  
十萬而後可但南贛糧餉無措不得已而從減省若此伏望老  
先生特賜允可若更少損其數斷然力不足以支寇矣腐儒小  
生素不習兵勉強當事惟恐覆公之餽伏惟老先生憫其不逮  
教以方略使得有所持循幸甚幸甚

守仁始至贛卽因閩寇猖獗遂往督兵故前者瀆奉謝啟極爲  
草略迄今以爲罪閩寇之始亦不甚多大軍旣集乃運絡四面  
而起幾不可支今者偶獲成功皆賴廟堂德威酬算不然且不

免於罪累矣幸甚守仁腐儒小生實非可用之才蓋未承南贛  
之乏已嘗告病求退後以托疾避難之嫌遂不敢回請屢勉至  
此實恐得罪於道德負薦舉之盛心耳伏惟終賜指教而曲成  
之幸甚幸甚今閩寇雖平而南贛之寇又數倍於閩且地連四  
省事權不一兼之勅旨又有不與民事之說故雖虛擁巡撫之  
名而其實號令之所及止於贛州一城然且尙多牴牾是亦非  
皆有司者敢於違抗之罪事勢使然也今爲南贛止可因仍坐  
視稍欲舉動便有掣肘守仁竊以南贛之巡撫可無特設止存  
兵備而統於兩廣之總制庶幾事體可以歸一雖三省之務尙

有牽碍而南贛之事猶可自專一應軍馬錢糧皆得通融裁處而預爲之所猶勝於今之巡撫無事則開雙眼以坐視有事則空兩手以待人也夫弭盜所以安民而安民者弭盜之本今責之以弭盜而使無與於民猶專以藥石攻病而不復問其飲食調適之宜病有日增而已矣今巡撫之改革事體關係或非一人私議之間便可更定惟有申明賞罰猶可以稍重任使之權而因以略舉其職故今輒有是奏伏惟特賜採擇施行則非獨生一人得以稍這罪戮地方之困亦可以少蘇矣

即日伏惟經綸邦政之暇台候萬福守仁學徒慕古識之周時

謬膺簡用懼弗負荷祇命以來推尋釀造之出率因姑息之弊所敢陳請實恃知己乃蒙天聽竝賜允從昔錫寵右恩與至重是非執事器使曲成獎飾接引何以得此守仁無似敢不勉奮庸劣遵稟成略冀收微效以上答聖眷且報所自乎茲當發師匆遽陳謝伏惟台照不備

生惟君子之於天下非知善言之爲難而能用善言之爲難舜在深山之中與木石居鹿豕遊其所以異於深山之野人者幾希舜亦何以異於人哉至其聞一善言見一善行沛然若決江河莫之能禦然後見其與世之人相去甚遠耳今天下智謀才

辨之士其所思慮謀猷亦無以大相遠者然多蔽而不知或雖知而不能用或雖用而不相決雷同附和求其的然真見其孰爲可行孰爲不可行孰爲似迂而實切孰爲似是而實非斷然施之於用如神醫之用藥寒暑虛實惟意所投而莫不有以曲中其機此非有明睿之資正大之學剛直之氣其孰能與於此若此者豈惟後世之所難能雖古之名世大臣蓋亦未之多聞也守仁每誦明公之所論奏見其洞察之明剛果之斷妙應無方之知燦然剖析之有條而正大光明之學凜然理義之莫犯未嘗不拱手起誦歎仰嘆服自其識事以來見世之名公巨卿

負盛望於當代者其所論列在尋常亦有可觀至於當大疑臨大利害得喪毀譽眩瞶於前力不能正卽依違兩可掩覆文飾以幸無事求其卓然之見浩然之氣沛然之詞如明公之片言者無有矣在其平時明公雖已自有以異於人人固猶若無以大異者必至於是而後見其相去之甚遠也守仁耻爲佞詞以諛人若明公者古之所謂社稷大臣負王佐之才臨大節而不可奪者非明公其誰歟守仁後進迂劣何幸辱在驅策之末奉令承教以效其尺寸所謂駑駘遇伯樂而獲進於百里其爲感幸何如哉邇者龍川之役亦幸了事窮本推原厥功所自己略

具於奏未不敢復縷縷所恨福薄之人難與成功雖仰賴方略  
僥倖塞責而病患日深已成廢棄昨日乞休疏入輒嘗恃愛控  
其懇切之情日夜瞻望允報伏惟明公終始曲成使得稍慰老  
父衰病之懷而百歲祖母亦獲一見爲訣生死骨肉之恩生當  
何如爲報耶情隘詞迫乞冀矜亮

近領部咨見老先生之於守仁可謂心無不盡而凡其平日見  
於論奏之間者亦已無一言之不酬雖上公之爵萬戶侯之封  
不能加於此矣自度鄙劣何以克堪感激之私中心藏之不能  
以言謝然守仁之所以隱忍扶疾身被鋒鏑出百死一生以赴

地方之急者亦豈苟圖旌賞希階級之榮而已哉誠感老先生  
之知愛期無負於薦揚之言不媿稱知已於天下而已矣今雖  
不能大建奇偉之績以仰答知遇亦幸苟無撓敗戮辱遺繆舉  
之羞於門下則守仁之罪責亦以少塞而志願亦可以無大憾  
矣復何求哉復何求哉伏惟老先生愛人以德器使曲成不責  
人以其所不備不強人以其所不能則凡才薄福疴羸疾廢如  
某者庶可以遂其骸骨之請矣乞休疏待報已三月尙杳未有  
聞歸塊飛越夕不能旦伏望憫其迫切之情早賜允可是所謂  
生死而骨肉者也感德當何如耶

輒有私梗仰恃知愛敢以控陳近日三省用兵之費廣湖兩省皆不下十餘萬生處所乞止於三萬實皆分毫扣算不敢稍存贏餘已蒙老先生洞察其隱極力扶持盡賜准允後戶部復見沮抑以故昨者進兵之際凡百皆臨期那借屑湊殊爲窘急賴老先生指授幸而兩月之內偶克成功不然決致敗事矣此雖已遂之事然生必欲一鳴其情者竊恐因此遂誤他日事耳又南贛盜賊巢穴雖幸破蕩而漏殄殘黨難保必無兼之地連四省深山盤谷逃流之民不時嘯聚輒采民情議於橫水大寨請建縣治爲久安之圖乘間經營已略有次第守仁迂疎病懶於

凡勞役之事實有不堪但籌度事勢有不得不然者是以不敢以病軀欲歸之故閉遏其事而不以聞苟幸目前之塞責而已也伏惟老先生并賜裁度施行幸甚

守仁不肖過蒙薦獎終始曲成言無不行請無不得既假以賞罰之權復委以提督之任授之方略指其迷謬是以南贛數十年桀驁難攻之賊兩月之內掃蕩無遺是豈篤劣若守仁者之所能哉昔人有言追獲獸兔功狗也發縱指示功人也守仁賴明公之發縱指示不但得免於撓敗之戮而又且與於追獲獸兔之功感恩懷德未知此生何以爲報也因奏捷人書先布下

懇俟兵事稍閒尙當具啟修謝

迺者南贛盜賊遂獲底定實皆老先生定議授算以克有此生  
輩不過遵守奉行而已何功之有而敢冒受重賞乎伏惟老  
先生素齋元和含洪無迹乃欲歸功於生物物惟不自知其生  
之所自焉爾苟知其生之所自其敢自以爲功乎是自絕其生  
也已拜命之餘不勝慚懼輒具本辭免非敢苟爲遜避實其中  
心有不自安者陞官則已過甚又加之屬予若之何其能當之  
負且乘致寇至生非無貪得之心切懼寇之將至也伏惟老先  
生鑒其不敢自安之誠特賜允可使得仍以原職致事而去是

乃所以曲成而保全之也感刻當何如哉瀆冒尊威死罪死罪  
憂危之際不敢數奉起居然此心未嘗一日不在門墻也事窮  
勢極臣子至此惟有痛哭流涕而已可如何哉生前者屢乞省  
葬蓋猶有隱忍苟全之望今既未可得以微罪去歸田里卽大  
幸矣素蒙知愛之深敢有虛妄神明誅殛惟鑒其哀懇特賜曲  
成生死骨肉之感也地方事決知無能爲已閉門息念袖手待  
盡矣惟是苦痛切膚未免復爲一控亦聊以盡吾心焉爾臨啟  
悲愴不知所云

自去冬長途多沮遂不敢數數奉啟感刻之情無由一達縉劣

多忤尚獲曲全非老先生何以得此中心藏之何日忘之誦此而已何能圖報哉江西之民困苦已極其間情狀既已傳聞無俟復喋今騷求既未有艾錢糧又不得免其變可立待去歲首爲控奏既未蒙旨繼爲申請又不得達今茲事窮勢極只得冒罪復請伏望憫地方之塗炭爲朝廷深憂遠慮得與速免以救燃眉幸甚幸甚生之乞歸省尋去秋已蒙賊平來說之旨冬底復請至今未奉允報生之汲汲爲此非獨情事苦切亦欲因此稍避怨嫉素蒙老先生道誼骨內之愛無所不至於此獨忍不一舉手投足爲生全之地乎今地方事殘破憊極去歲嘗繆申

一二奏皆中途被沮而歸繼是而後遂以形迹之嫌不敢復有所建白兼賤恙日疴瘠又以老父憂危致疾之故神志恍恍終日如寐中今雖復還省城不過閉門昏臥服藥喘息而已此外人事都不復省况能爲地方救災拯難有所裨益於時乎所以復有蠲租之請者正如夢中人被錐刺未能不知疼痛縱其手足撲療不及亦復一呻吟耳老先生幸憐其志哀其情速免征科以解地方之倒懸一允省葬之乞使生得歸全首領於臙下則閩省蒙更生之德生父子一家受骨肉之恩舉啣刻於無涯矣昏情中控訴無叙臨啟不勝愴慄



屢奉啟皆中途被沮無由上達幸其間乃無一私語可以質諸鬼神自是遂不敢復具然此顛頓窘局苦切屈抑之情非筆舌可盡者必蒙憫照當不俟控籲而悉也日來嘔血飲食頓減潮熱夜作自計決非入於人世者望全始終之愛使得早還故鄉萬一苟延餘息生死骨肉之恩當何如圖報耶

比兵部差官來賫示批札開諭勤倦佐亦隨至備傳垂念之厚昔人有云公之知我勝於我之自知若公今日之愛生實乃勝於生之自愛也感報當何如哉明公一身係宗社安危持衡甫旬月略示舉動已足以大慰天下之望矣百凡起居尤望倍常慎密珍攝非獨守仁之私幸也

優獎致仕縣丞龍韜牌

得贛縣致仕縣丞龍韜平素居官清謹迨其老年歸休遂矜貧乏不能自存薄俗愚鄙反相議笑夫貧疇者乘肥衣輕揚揚自以為得志而愚民競相歆羨清謹之士至無以為生鄉黨隣里不知以為周恤又從而父之風俗薄惡如此有司者豈獨不能辭其責孟子云使饑餓於我土地吾耻之是亦有司者之耻也為此牌仰贛州官吏即便措置無礙官銀十兩米二石羊酒一付掌印官親送本官家內以見本院優恤獎待之意仍仰贛縣官吏歲時常加存問量資柴米毋令困乏嗚呼養老周貧王

政首務况清謹之士既貧且老有司坐視而不顧其可乎遠近  
父老子弟仍各曉諭務洗貪鄙之俗共敦廉讓之風具依准并  
措送過繳牌

仰南康府勸留教授蔡宗克

據南康府儒學申看得教授蔡宗克德任師儒心存孝義今方  
奉慈母而行正可樂英才之化况職主白鹿當宋儒倡道之區  
勝據匡廬又昔賢棲隱之地倘有親疾自可將詞輒與掛冠之  
請似違奉檄之心仰布政司備行南康府掌印官以禮勸留仍  
與修葺學宮供給薪水稍厚養賢之禮以見崇儒之意繳

褒崇陸氏子孫

據撫州府金谿縣三十六都儒籍陸時慶告看得宋儒陸象山先生兄弟得孔孟之正傳爲吾道之宗派學術人晦致使湮而未顯廟堂尙缺配享之典子孫未沾褒崇之澤仰該縣官吏將陸氏嫡派子孫差役查照各處聖賢子孫事例俱與優免其間聰明俊秀堪以入學者具名送提學官處選送學肄業務加崇重之義以扶正學之衰具依准繳

牌行南雄府保昌縣禮送故官

照得保昌縣縣丞杜洞久在軍門管理軍實清介自持賢勞茂著郡屬之中實爲翹然今不幸病故使人檢其行囊蕭然無以爲歸殯之資殊可傷悼今尋常故官小吏無洞一日之勞者猶且有水手殯殮之例况洞從征惡寇跋涉險阻衝冒瘴毒又且平日才而且賢所謂以死勤事者矣焉可以不從厚待之是賢不肖略無所辨也爲此牌仰本府官吏卽於庫貯無礙官錢內給與水夫二名棺殮銀十兩就行照例起關應付船隻脚力查照家屬名數給與口糧務要從厚資送還鄉開報及仰保昌縣

官吏卽便僉撥長行水手二名棺殮銀二十兩及將本官應得俸糧馬夫銀兩照數支給交付伊男及差的富人役護送還鄉毋致稽誤

申明便宜勅諭

七月二十一日

節該欽奉勅廣東清遠從化後山等處與爾所轄南韶等府壤地相接事體互相有關近該彼處鎮巡官奏稱盜賊生發師行有日如遇彼處行文徵兵協助亦要隨即發兵前去防勦應援以致全功毋得自分彼此致失事機欽此欽遵照得南雄府界連南贛大庾信豐龍南等縣而惠州河源興寧亦各逼近賊巢俱係緊關奔逃潛匿之處進攻防截之路訪得前賊爲患日久雖奉成命徵兵協助誠恐賊計狡猾許變東追則西竄南捕則北奔若不早爲查處未免有誤軍機爲此仰抄案回司會同三

司掌印及各該守巡兵備等官上緊謂集兵糧聽候尅期防勦并將應勦賊巢通行查出行拘熟知地利險易鄉導責令畫圖貼說要見某處賊巢連近某處鄉落某巢界抵某處係是良善村寨某處係是善惡相兼某處平坦可以直搗某處險阻可以把截某處係賊必遁之路可以設伏邀擊某處賊所不備可以間道掩撲何處官軍可以起調何官可以委用可以監統糧餉何處措辦住劄何處聽候各要查處停當備孫馬上差人飛報本院以憑遵照欽奉勅諭與各該鎮巡官計議而行其有軍中一應進正機宜亦要明白呈報毋分彼此致有踈虞國典其存

詳難容恕仍呈總督鎮守巡按衙門知會

量地選軍任官運餉四者軍政之大要使有地方之責者能時時講求又何憂多事哉欲措辦於臨時之申飭必必無以應矣

預整操練

案照先經批仰將聽調人役查拘操演以備征調卽今兵威士氣已覺漸有可觀但各色人而尚有遺才亦合通拘操演看得龍南等縣捕盜老人葉秀芳等部下兵衆亦多經戰陣况各役向化日久皆有竭忠報効之心但其勇力雖有而節制未諳向慕雖誠而情意未洽一時調用亦恐兵違將意將拂士情信誼旣未交孚心志豈能齊一爲此仰抄案回道通將所屬向化義民人等悉行查出照依先行定去分數行令各選部下驍勇之士多者二三百人少者一百人或五十人順從其便分定班次

各役若無別故自行統領或有事故相妨許令推選親屬爲衆所服者代領前來贛城皆於教場內操演除耕種之月放令歸農其於農隙俱要輪班上操仍於教場起蓋營房使各有棲息之地人給日糧使皆無饋之勞効有功勤者厚加犒賞違犯約束者時與懲戒如此則號令素習自然如身臂手指之便恩義素行自然興父子弟之愛居則有禮動則有威以是征討將無不可矣

此法各處宜行

選募將領牌

看衙所屬地方盜賊充斥一應撫勦事宜各該兵備等官既以地方責任勢難頰來面議若專以公文往來非惟事情不能該悉兼恐機宜多致瀉漏爲此牌仰郴州兵備道卽於所屬軍衛有司官或義官耆老推選敷有膽略才堪將領熟知賊寨險夷備曉盜情向背忠慎周密可相信任者一二人前來軍門凡遇地方機務卽與密切商度往來計議庶幾事可周悉機無疎虞必要該道慎選得人後可否則反害乃公事矣

895824

丁酉書

卷一

三



